

清淨雪山頌

克珠杰大師造

敬禮妙音！

清淨雪山鬘圍繞，此間我等無依主，顯示隨順劣慧身，殊勝上師我敬禮！

汝於多生前曾是，至尊妙音最長子，總辨通定多自在，慧眼能觀一切法。

一時有佛名「王頂」，眷會之中演大乘，妙音佛子海會俱，蒞臨彼佛大集會。

爾時彼佛宣梵音：「若有菩薩大勇士，能不顧及自身命，於諸不淨剎土中，

以空性論最妙香，充滿金剛乘道蓮，此乃一切菩薩行，最上最勝廣讚嘆。」

大主宰尊大勇氣，乳海激盪波浪湧，於大會中速站起，不怯嘹亮而宣言：

「我於無數不淨剎，不顧身命當教誡，咒道結合空性見，宏揚佛喜之妙道。」

立誓發願之當下，王頂如來與十方，無餘勝者同聲讚：「善哉汝乃大志者」

廣讚復示稀有兆，從此一切佛剎中，以此命名號「大志」，諸佛佛子共稱揚。

繼而王頂如來者，身放億兆大光明，面露微笑為我師，大志菩薩作授記：「當於無數穢土中，甚深中觀見攝持，宏揚金剛乘妙道，此廣大行圓滿已，過眾佛刹東北方，『稀有莊嚴世界』中，

成佛名為『獅子吼』，將速證得正等覺。」

如彼所說獅子吼，佛壽能住無量劫，其常身量一由旬，色如子母綠寶石。具眾由旬大光明，右手說法左定印，甘露充滿鉢中央，甘露光塔騰空中，放無數光極燦然，彼刹上根諸化機，甫見此塔之當下，大乘妙道即現前。中下化機由彼佛，為說密法空性論，略嚙教誡語甘露，妙道當下即現前。彼刹化機因了解，深中觀見與密法，相結合故彼純系，不受他有菩薩眾。我等依怙當如是，彼勝導師之心髓，續海真實善達已，如教修持為心要，諸生亦不顧身命，受持一切密法理，師成獅子吼佛時，願我成彼初弟子！